

## Gary Granada "Pedrong Pako"

Visit "[Pedrong Pako](#)" on [MotoLyrics.com](https://MotoLyrics.com)

Si Pedro'y nakaapak ng pako sa lansangan  
Pinulot niya't bakasakaling pakinabangan  
At ang kinakalawang na pakong nabubulok  
Sa bago niyang bahay ay duon ipinukpok

Isang kalbong gulong nakita niya sa kalsada  
Kanyang isinuong sa jeepney niyang pampasada  
Duo'y may nakaiwan ng lumang antipara  
Kanyang isinuot sa malinaw niyang mata

Bagong bahay, lumang pako  
Dating gimik na inibang-anyo  
Bagong bote, lumang toyo  
Ang laging sawsawan ni Pedro

Gulong ay umiskyerda at ang jeep ay nabangga  
Dahil sa antipara ang poste di nakita  
Pasahero'y huli na sa biyahe't nabukulan  
Di pa nakarating sa dapat na puntahan

Si Pedro'y may kilalang kawatang pulitiko  
Sa bawat halalan ay laging kandidato  
Nabulag na si Pedro, napako pa ang tuktok  
Pulitikong bulok sa pwesto iniluklok

Bagong bahay, lumang pako...

Nang dahil sa pako bahay ni Pedro'y bumagsak  
Sa bulkan, bagyo, baha't lindol tuluyang nawarak  
Giba na ang dingding, sahig, haligi't bubungan  
Mabuti pa kaya, magbagongbahay na lang

Visit [Gary Granada](#) page on [MotoLyrics.com](https://MotoLyrics.com), to get more lyrics and videos.